



**TOSHKENT DAVLAT YURIDIK UNIVERSITETI REKTORINING  
B U Y R U G ' I**

---

09.02.2022 yil

20 um-son

**Toshkent davlat yuridik universiteti fakultetlarida  
jamoatchilik asosida faoliyat yuritadigan xotin-qizlar  
kengashi raislari - dekan maslahatchilarini tasdiqlash  
to'g'risida**

O'zbekiston Respublikasi oliy va o'rta maxsus ta'lim vazirining 2021-yil 13-dekabrdagi "Xotin-qizlar masalalari bo'yicha dekan maslahatchilari faoliyatini tuzish to'g'risida"gi 518-son buyrug'i hamda Toshkent davlat yuridik universiteti rektorining 2022-yil 7-yanvardagi "Toshkent davlat yuridik universitetida xotin-qizlar bilan ishlash tizimini yanada takomillashtirish to'g'risida"gi 08-1-son buyrug'ida belgilangan vazifalar ijrosini ta'minlash, Yangi O'zbekiston sharoitida xotin-qizlarning ta'lim sohasi va ilm-fandagi o'rnini kengaytirish, Toshkent davlat yuridik universitetida xotin-qizlar o'rtasida ijtimoiy-ma'naviy muhitni yaxshilash, ularning o'rni va mavqeyini yanada mustahkamlash, xotin-qizlar bilan ishlash yo'nalishini tizimlashtirish hamda Xotin-qizlar masalasi bo'yicha maslahat kengashi raisi U.Xaydarovanning taqdimnomasiga muvofiq,

**B U Y U R A M A N:**

1. O'zbekiston Respublikasi oliy va o'rta maxsus ta'lim vazirining 2021-yil 13-dekabrdagi 518-son buyrug'i, Toshkent davlat yuridik universiteti (bundan buyon matnda - TDYU) rektorining 2022-yil 7-yanvardagi 08-1-son buyrug'i hamda Xotin-

qizlar masalasi bo'yicha maslahat kengashi raisi U.Xaydarovning taqdimnomasi ma'lumot va ijro uchun qabul qilinsin.

2. TDYUning fakultetlariga quyidagilar xotin-qizlar kengashi raislari – dekan maslahatchilari etib tayinlansin:

Ommaviy huquq fakultetiga – Karaxodjayeva Okilaxon Rufatovna Konstitutsiyaviy huquq kafedrasida dotsenti vazifasini bajaruvchisi;

Jinoiy odil sudlov fakultetiga – Tadjibayeva Albina Yuldashbayevna Jinoyat-protsessual huquqi kafedrasida dotsenti vazifasini bajaruvchisi;

Xususiy huquq fakultetiga – Achilova Liliya Ilxomovna Biznes huquqi kafedrasida dotsenti vazifasini bajaruvchisi;

Xalqaro huquq va qiyosiy huquqshunoslik fakultetiga – Miruktamova Feruza Lutfullayevna Xalqaro huquq va inson huquqlari kafedrasida katta o'qituvchisi;

Magistratura va sirtqi ta'lim fakultetiga – Tadjibayeva Dilnovoz Ozodovna Umumta'lim fanlar va madaniyat kafedrasida dotsenti.

3. Fakultetlardagi xotin-qizlar kengashi raislari – dekan maslahatchilari o'z faoliyatlarini jamoatchilik asosida amalga oshirilishi inobatga olinsin.

4. TDYU xodimlarini moddiy rag'batlantirish maxsus jamg'armasi hisobidan fakultet xotin-qizlar kengashi raislari – dekan maslahatchilariga lavozim maoshiga nisbatan har oylik 15 foizi miqdorida qo'shimcha ustama haqlari to'lab berilsin.

5. Fakultetlardagi xotin-qizlar kengashi raislari – dekan maslahatchilariga quyidagilarni amalga oshirishlariga a'lohida e'tibor qaratishi tavsiya etilsin:

xotin-qizlarning ta'lim va kasbiy ko'nikmalar olishlari, munosib ish topishlariga har tomonlama ko'maklashish, tashabbuslarini qo'llab-quvvatlash, iqtidorli yosh xotin-qizlarni aniqlash va ularning qobiliyatlarini to'g'ri yo'naltirish;

ular o'rtasida sog'lom turmush tarzini ta'minlash borasidagi

ishlar samaradorligini oshirish;

xotin-qizlarning huquqlari va qonuniy manfaatlariga daxldor masalalarni chuqur tahlil qilish, ilg'or tajribalar asosida mavjud muammolarni hal qilish bo'yicha qonunchilik va amaliyotni takomillashtirish yuzasidan takliflar ishlab chiqish;

xotin-qizlar bilan oilani mustahkamlash, milliy va umuminsoniy qadriyatlarni asrab-avaylash hamda ularning farzand tarbiyasidagi rolini oshirish borasida tizimli targ'ibot tadbirlarini hamda keng tushuntirish ishlarini olib borish;

talaba-qizlar va yosh ayol xodimlar bilan universitetda belgilangan Odob-axloq hamda ichki tartib qoidalarga rioya etishlari, universitet nufuzini oshirish borasida faollik ko'rsatishlari va ijtimoiy hayotida munosib ishtirok etishlari, yoshi kattalarga hurmat, ayollik ibo va hayoni doimiy saqlab qolishlari borasida keng tushuntirish ishlarini olib borish;

"Ayollar daftari"ga kiritilgan xotin-qizlar hamda og'ir ijtimoiy ahvolga tushib qolgan, moddiy qo'llab-quvvatlashga ehtiyojmand bo'lgan oila farzandi bo'lgan talaba-qizlarga moddiy yordam ko'rsatish yuzasidan takliflar tayyorlash;

ijarada va Talabalar turar joylarida yashayotgan talaba-qizlar bilan alohida suhbatlar o'tkazib borish, tyutorlar bilan hamkorlikda ishlash tizimini kuchaytirish;

ularni TDYUda o'tkazilayotgan turli tanlov va loyihalarda keng ishtirokini ta'minlash orqali notiqlik mahoratlarini oshirish, sog'lom fikr bildirish ko'nikmalarini shakllantirish, fuqarolik pozitsiyalarini mustahkamlash;

mehribonlik uylarida tarbiyalangan qizlar bilan alohida manzilli ishlarni amalga oshirish;

talaba-qizlar orasida turli noxush holatlar (psixotrop moddalar, jinoyatchilik, o'z joniga qasd qilish, turli oqimlar ta'siriga tushib qolish, odam savdosi)ning oldini olish ishlarini muntazam tarzda olib borish va boshqalar.

6. Yoshlar masalalari va ma'naviy-ma'rifiy ishlar bo'yicha prorektor A.Xashimhonov Xotin-qizlar masalasi bo'yicha maslahat kengashi raisi U.Xaydarova bilan birgalikda fakultet

xotin-qizlar kengashi raislari - dekan maslahatchilari o'z faoliyatlarini samarali tashkil etishlari uchun uslubiy ko'mak bersin hamda ularning faoliyatlarini doimiy nazorat qilib borsin.

7. Mazkur buyruq ijrosi nazorati prorektor A.Xashimhonov zimmasiga yuklatilsin.

**Rektor**



**A.TASHKULOV**

Toshkent shahar

## **Kiritildi:**

Direktor

SH.PO'LOTOV



## **Kelishildi:**

Bo'lim boshlig'i

SH.XAMRAQULOV



YOshlar masalalari va ma'naviy-  
ma'rifiy ishlar bo'yicha prorektor

A.XASHIMHONOV



Bo'lim boshlig'i

A.RAXIMOV



Rektor yordamchisi

S.IBODULLAYEV



Devonxona mudiri

X.ABDULLAYEV



Katta yuriskonsult

E.XOSILOV



Katta o'qituvchi (ilmiy daraja yoki ilmiy  
unvonga ega bo'lmagan)

U.XAYDAROVA



## **Buyruq bilan tanishdim:**

SH.PO'LOTOV

